

04.Klassentreffen Jahrgang 48 (Feil Drillinge-3 Z'widern)

Mir ham a Klassentreffen so olle 15 Jahr
do komman alle zam des is so wunderbar
da Jahrgang 48 nur Leit aus best'n Hoiz
da Jahrgang 48 is unser ganzer Stoiz

Heit is a Briefal kumma vom Klass'nsprecher Franz
Er war der Best im Turnen am Rack der Schule Glanz
Im Rechnen do wars bitter do is a sitz'n blieb'n
In Deutsch a Katastrophe Er hot hoit net gern g'schrieb'n
Im alten Ritterskeller glei vor dem großen Tor
Do fahrn de alt'n Kämpfer mit unserm Schnauferl vor
Im Sozius zittert ängstlich des Weiberl hint'n drauf
Und dann wird 3 x g'hupt de Wirtshaustür geht auf

Refrain.:

Do steht a scho da Franz der z'druckt ma fast de Bratz'n
Da neb'n grinst oana uma mit oana rießn Glatz'n
Der alte Herr da drüben, der is ma net bekannt
a freilich des is da Hansl der is mit uns verwandt
gesteilt, adrett und rassig im Mini hochgeschlitzt
des is de Wagner Fine de nebm dem Pauli sitzt
de mit da stramma Hos'n an zsamma detscht'n Po
ja des is d'Reitmeyer Anni, mit ihrem 3. Mo

Refrain.:

Schau de mit ihren Stränen und graumeliertem Haar
Des is de schöne Urschl de von da Dachl-Bar
Da Andy siegt sein Bauch und schaut in Spiagl nei
Wos des bin i da Andy des kann a gar net sei
De andern wern net schöna se san scho alt und grau
Blos i hob mi guat g'hoit'n des weiß ich ganz genau
Mei Bäucherl ziage ei de Haar de wer'n getönt
De Glatz'n wird fein zua'deckt, a bisserl drüber g'föhnt

Refrain.:

In 10 Jahr so hams ausg'macht do komma wieda zamm
Bis dahin wer'n de Meist'n scho koane Haar mehr ha'm
I siag scho unsre Madl'n geliftet schön geschminkt
Und manch'n alt'n Herr'n der freundlich umma winkt
Das nächste Klass'ntreffa das weiß ich ganz genau
b'such i mit meiner 5.t'n mit einer feschen Frau
Sie Jahrgang 48 sie is aus echtem Holz
da Jahrgang 48 is unser ganzer Stolz

Refrain.: